



Inatsisartunut ilaasortaq
Mette Arge-Hammeken, Naleraq
inatsisartut@ina.alla.gl

Kiffartuussinissamut isumaqatigiissutinik allannguisoqassappat tamatuma aningaasaqarnermut sunniutigisinnaasai periarfissallu pillugit Inatsisartut suleriaasianni § 37 naapertorlugu apeqquteqaammut 2025-134-mut akissut

Dato: 15-08-2025
Sagsnr.: 2025 – 16546
ID nr. 98997067

Asasara Mette

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Inatsisartut suleriaasianni § 37 naapertorlugu Kiffartuussinissamut isumaqatigiissutinik allannguisoqassappat tamatuma aningaasaqarnermut sunniutigisinnaasai periarfissallu pillugit Naalakkersuisunut apeqquteqaateqarputit. Apeqqutitit uannit akineqartussat innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Apeqqut 1: Silaannakkut angallannerup iluani kiffartuussinikkut isumaqatigiissutit allanngortinneqassappata qanoq akeqassava qanorlu kinguneqarsinnaassava?

Akissut: Silaannakkut angallannermi kiffartuussinissamut isumaqatigiissutit 2031-p tungaanut atuupput, tunngaviusumillu pituttorsimallutik. Tassani Kalaallit Nunaata kujataa ilaatinneqanngilaq, Qaqortup mittarfia atulerpat naasussaalluni. Naalakkersuisut ilaasunik angallassinermi kiffartuussinissamut isumaqatigiissummik nutaamik suliaqarput, taannalu Qaqortumi mittarfik ammareerpat atulertussaavoq.

Kisiannili silaannakkut angallannermi kiffartuussinissamut isumaqatigiissutit sullissisorlu illuatungeriillu isumaqatigiissuteqartoqarneratigut allanngortinneqarsinnaapput, tak. isumaqatigiissummi immikkoortoq 8. Tamatuma saniatigut pissutsinik, isumaqatigiissuteqarnermi takorloorneqarsinnaanngitsunik pisoqartillugu illuatungiliuttup kissaateqarneratigut isumaqatiginninniartoqaqqissinnaavoq. Kiisalu mittarfinnik nutaanik sanasoqarpat, aammalu nunatsinni/nunani tamalaani maleruagassat, isumaqatigiissummi aningaasartaliussanut tunngaviusunik allanngortitsisut akuerineqarpata isumaqatigiissutit isumaqatiginninniutigineqaqqinnissaa piumasarineqarsineqarsinnaavoq.


Tamatuma saniatigut § 37 naapertorlugu apeqquteqaammut 2025-050-imut akissut innersuussutigissavara.

Apeqquut 2: Naalakkersuisut isumaqatigiissutitut allanngortitsinissaminnut pilersaaruteqarpat?

Akissut: Naalakkersuisut silaannakkut angallassinermi kiffartuussinissamut isumaqatigiissutitut allannguinnissamik piumasaqarnissamut pilersaarutitut akuerisaqarsimanngillat, kisiannili pissutsit qanillugit malinnaaffigineqarput. Kalaallit Nunaata kujataa matumani ilaatinneqanngilaq, tak. apeqquut 1-imut akissut.

Neriuppunga qulaani allaqqasuni apeqquuteqaatitut akineqartut.

Inussiarnersumik inuulluaqqusillunga

A handwritten signature in blue ink, appearing to be 'Aqqaluq B. Egede', written over a large, stylized, scribbled blue mark.

Aqqaluq B. Egede